

## **NAMBA TU PAS DOUK JON NENEKAS ULI**

Banenyi balan umu enyudak namba 2 balan Jon  
neneken uli

ves 1-3 Jon nenehilaumu echech Kristen ali  
naklipech God ananin yopinyi balan umu nu-  
gakomech.

ves 4-11 Aduligeinyi pasin nyanu enyudak  
pasin umu apak ulkwip isave panosuh  
kipaichimu

**12-13 Nyatuh uli balan**

**1** Yek nebewelimu ipak pasuh God ananin balan  
uli yeneku balan asudak pas. Yenekasumagu  
nyak almatok\* douk God ananatalih-enu nyape  
ananinyaluli nyanu nyakich batowich. Yek adul  
ulkum manubu manohwepu. Ali douk wak yek  
otuwe ulkum munohwepu e, wak. Chanatimaguk  
chadukemu aduligeinyi balan chagipechen uli  
douk chopuk ulkwip panohwepu. **2** Umu mon-  
ecken, enyudak adulin atinyi balan douk nyape  
apak ali eke nyunuba nyupe eheh nyumneh.  
**3** Sapos apak miyagwleh adulin atinyi balan ali  
ulkwip punosuh kipahechimu, Aninu God nunu  
Jisas Krais apakinu Aninu ananinu Nuganinu eke  
hunelekapu hugakomapu meyoh ali hunekapu  
apaluh hlulu kalbu.

---

\* **1:1** Enyudak balan, enech chakli aduligeik almatok kwana  
okwokwich batowich. Enech chakli God ananich elpech douk  
isave chowachabal chenek lotu anabul wabul uli.

*Apak Imas Mugipech Enyudak Pasin Umu Ulkwip Punosuh Kipahechimu*

<sup>4</sup> Yek yanubu yenehilawamu agundak yemnek umu enech nyakich batowich chagipech aduligeinyi balan umu. Chagipechen kobi Aninu naklipapu dodogowinyi balan umu mugipechen umu. <sup>5</sup> Ali nameitu yek yakli iwemu enen balan ali iklipenyu namudak nyak nyanubu yopinyali almatok. Apak manatimaguk atin ati imas munubu ulkwip punosuh umu. Enyudak lo nameitu yaklipenyumen uli, enyen douk wak iklipenyu enen nupolein lo e, wak. Enyen douk seiwak wata susubati malawen madukemen uli. <sup>6</sup> Bawagas umu agundak apak ulkwip punosuh kipahechimu douk namudak. Apak mupemu mugipech God ananin lo. Enyudak lo douk watak susubati ipak panatimaguk pemneken uli. Enyen douk nyakli namudak. Ipak imas punubu ulkwip punosuh kipahechi.

*Apak Munubu Musuh Krais Ananin Balan Dadag*

<sup>7</sup> Wolobaimi almam halahe hanak wolobai-gunmu apudak atap uli, amam douk hakli hunek lohumapu. Amam douk hapemu hakli Jisas Krais anan douk wo nutoglu adulinyi elpen e, wak. Amudakmali almam douk hapemu henek loh uli. Ali amam douk Krais ananim birua. <sup>8</sup> Ipak punek yologimu kedeke kobi pulau yopichi echudak douk apenek moulamu kwali eke pulawech uli. Wakuli punubu pulawech piyatech umu douk eke kalbu. <sup>9</sup> Meichi elpech douk wo chunubu chusuh Krais ananin balan dadag ali chatukemenyuk

chagipech kipainyili, echech douk wo God nupenyich e, wak. Wakuli echebuk douk chanubu chasuh enyudak yopinyi balan dadag uli, nameitu Aninu nanu Nuganinu douk hapanyich. <sup>10</sup> Meichi elpech chunakumagu ipak ali wo chusuh enyudak balan uli e, ipak kobi pulawech chunepu pupe ipakig wilag o pukli pukech loguh punehilau-mech, wak. <sup>11</sup> Meichi elpech douk chukli chukech loguh ali chunehilaumu echudakmali elpech uli, echech douk eke chunech atin balan. Ali eke chunech chunechle-pamu yowenyi echech cheneken uli.

### *Nyagikuk Uli Balan*

<sup>12</sup> Yek wolobainyi balan douk yakli inyemumepagu asudak pas uli. Wakuli yakli wak umu inyemagu pas meyoh, wak. Yakli inaku itulipu ali mupe atugun miyagwleh meyoh umu douk eke munubu munehilau mulikuk.

<sup>13</sup> Nyakik owawik<sup>†</sup> douk God anatalihok umu kwupe ananik nugawik uli, okwokwich batowich douk chenemenyagu gude nyak.

---

<sup>†</sup> **1:13** Tik futnot umu 2 Jon 1.

**God Ananin Balan  
New Testament in Bukiyp Mountain Arapesh; ape**  
copyright © 2013 Wycliffe Bible Translators, Inc.

Language: Bukiyp

Dialect: Mountain Arapesh

Translation by: Wycliffe Bible Translators

Contributor: Wycliffe Bible Translators, Inc.

**Copyright Information**

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Bukiyp

**© 2013, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

v

please contact the respective copyright owners.

2015-03-17

---

PDF generated using Haiola and XeLaTeX on 11 Nov 2022 from source files

dated 29 Jan 2022

3f5c3a46-d62a-5fac-9263-93147965c7d1